

۲۹ جمادی الاخره ۱۳۳۱

پنجشنبه

۲۳ مایس ۱۳۲۹

نومرو ۲۴ — ۲۴

نسخه سی ۲۰ پاره در



امور اداره و تحریر به واعلانات و ساثره ایچون مدیر
مسئوله مراجعت ایدللبدر .

ابونه سی بر سنه لك اعتبار به ممالك عثمانیه ایچون
اون بش و ممالك اجنبیه ایچون ۲۰ فروشدر .

عرفای امتك مقالات متصوفانه لر به جریده
صوفیه لك صحیفه لر آجیقدر .

شمذیلک اون بش کونده بر نشر اولنور

محل اداره باب عالی جوارنده ابوالسعود جاده سنده
نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

فرح ایدر و آنلره قارشو فوق العاده اظهار تواضع ایدوب محافل کبراده اهل صفتک کافه سی بلوک بلوک اولوب کیدر ایسه بن دخی کروه فقرایه داخل اولورم بیوررلر ایدی. علما و فقهایی کرام حضراتنه خارق العاده تعظیم و احترام و صلحایه مدح و ستوده افراط ایله معیتاری ارکانه دخی ارضورته معامله بی اخطار و بونلر حقنده سرامدان امت اولدقلرینی اعلان ایدرلر ایدی و طبع شریفاری غایت بشوش، متواضع، حایم، سلیم اولوب طرف آخردن ایدیان اذا و جنبه متحمل و صبور ایدی. نفسی نه اهانت و تذلیل ونه اعزاز و تلطیف ایتمه رک حال توسط واعتدالده بولندیرلر ایدی. اصحاب ضلاله دائماً ابراز جلاوت و باخصوص بر فعل نهینک ظهورنده ازاله سنه سرعتله سی و مقاومت و ارباب بدعته دخی سیف قاطع کبی لمعان ایدردی و بر سنت سنیه نک ضیاعیله بر بدعتک ظهورنده فوق العاده حال فوران و غضب طاری اولدیفندن بر کیمسه یه مقابله ایتمز و حق اول درجه که شدتی روز کارک ظهوریله اغاچلر فصل اهتزاز ایدرله وجود شریفاری اهتزاز ایدوب بر قوم سنت سنیه بی ترک ایله اجرا ایتمز و اهل بدعتک ازاله سننده دخی تکامل و مسامحه ایدر ایسه جناب حق اوقومک غیرتی ذلته قوتلرینی ضمه غنارینی فقره تبدیل و امورینک تسویه سننده حیره ابتلا ایدر بیوررلر ایدی که بو احوال شریفه یه اک یوک بر شاهد عادل بو کونکی بزده تجلی ایدن احوال و احوال کفایت ایدر.

عینتابلی شا کر

بو کونکه: آورو بانی حیاتمه و داع ایدبور، آسیایه همده اسکی یوردنمه دوشمش بولنیورز. فقط ایسته اوراده موقع اجتماعیمزی یه بو کلمه نک محتوی اوادینی معانی حقیقه بی تمثیل ایله تحکیم ایتمز که بیلیم که او ملکتلرده نه طورمه حق، حیات و عیشمز قالیری؟ قاله جقمی؟

مسلمانلر یشامق، کتابلرینک شانلرینی محافظه ایتمک، اسکی بهادرلقلرینک یکنه یادکار جولانکاهی قالمش اولان آسیای صفراده، آنادولوده یه تاریخلرینی، ماضیلرینی دیرلرک ایستبور. لرسه همان برلرینی قوجا قلامالی، سومه لی، سوشه ایدرلر، تشتی، بو مدهش میقروبی ثولدره رک توددی، محبتی اساسلر قورمالی یز. یوقسه دوشونشی یله مفکره می یرتان پارچه لایان آملزک، موجودیتک، سلطنتک غروب، غروب طالعانی حزینانه کورمش اولورز ۱۱. اندلس، دفن ایدیلیرکن ماضی حشمتی ایچون ابو عبدالله محمد الصغیر هیچ اولمزه آغلا یه بیلیمشدی. عدم تودد - الله کورتمسین! عیلا دیغمز ایسته او - آغلامه یله مانع در. هر حالده بر عزم لایتهن ایله اتفاق، بر وجد غیر منفک ایله برلریمزه اظهار تودد ایللی یز. چونکه: استقبال نامه، سلامت نامه آندن ماعدا چارملر قلامشدر ۱۱.

نه آجی حقیقت ۱۱. قلمه سلطانیلی

علی شاکر

کلام عالی

وسدد وقارب واعتصم واستقم لها محییاً الیها عن انابه محبت
ابن الفارض،

ترجمه سی بوراده مقصود بالذات اولان ذات اجل و اعلا یه کمال تواضع ایله توبه دن صکره صوب مقصوده بر حال اجابتده استقامتله التجا و طوغریلقله عازم اولوب تقرب ایدسک دیمکدر. بو نظم حکمت انتظامده دخی اشارت بیورلدینی اوزره انسانلر دنیوی و اخروی شهره هدایه واصل اولمق ایچون طریق حق اختیار ایتمسینه وجوده کله جکی آزاده عرض و بیاندیر شوبله که یکن هفته ده تنویر و توسیع مقصدیله بر مثال امتثال اولمق اوزره قطب شهر ابو العلیمن السید احمد رفاعی افندمن حضرتلرینک اوصاف جلیله و اخلاق و مزایای عالیله رندن من غیر حد برنبده عاجزانه و مورانه بحث ایدلمش ایدی. جمله اخلاق میجهله کریمانه رندن اولارق من و اختیارلره اکرام و ایتمه بذل مرحمت و شفقت و احوال فقرایه اغلار و آنلرک فرحانلر یله ده کسب

«نی»

نی حضرت رومی جلاک نفسیدر.
نی اهل دلاک جنبش، و شوق و هوسیدر.
نی شارح ایات کتاب احذیت
نی فاتح ابواب کموز صمدیت
نی بارقه افق معلا ی هدا در
نی شارقه اوج فیوضات بقادر
نی غنچه سیدر کاشن توحید بقانک
نی نفخه سیدر مرد سخندان صفانک
نی رده وحدندن اولور عالمه دمساز
نی درینه کثرته ایدن کنندی ابراز
نی روزن کاشانه عشق از لیدر
نی مظهر اسرار محمدله علیدر
نی شهر عنقای معانی خفادر

نی جوهر سرتاج عقول ، عرفادر
نی فاتحه حضرت فرقان خدادار
نی جامعه علم و حروف ، نقطه بادر
نی در ازلی مجمل انسان اکامل
نی در ابدی مفخر اصحاب افاضل
نی در بایکیز شاهد نازنده خوبان
البته اولور باغ لطافتده خرامان
نی در ایدن اول آدمه تلمیم حقایق
نی قومیان دلد قیودات علایق
نی سینئه عشاقی سراسر ایدر احراق
نی در بوکون انسانی ایدن عاشق و مشتاق

قامه سلطانیلی

محمد قاسم

مراتب اولیا

(اولیائی تحت قبائی لایمر فهم غیری) حدیث قدسیسندن
اکلاشلدینی وجهله نازمان سعادت پیغمبریدن بوآنه کاتجهیه قدر
کلوب یکمش اصحاب کزین ایله تابعین، مجتهدین، مفسرین، محدثین
علماء عاملین، مشایخ واصلین کبی اسلامیتک شرف واعلاسنه
خدمتله (تخلقو باخلاق الله) سرینه مظهر اولوب مرتبه بشریتک
درجه علیاسنه واصل اولمش والیوم تالی یوم القیامه وجودلری
عالم اسلام آرمسند اکسبک اولمیان بوکی ذوات کرام، مرتبه
ولایتک برنجی طبقهسند اولورق ورثه انبیا اولدقاری بیلدکاری
حاله نفسک الجاآندن اولان ریاوکوسترشدن عاری اولقی اوزره
حقک لطف وکرمنه استناداً وظیفه ارشادیه بی ایفا ایدوب عوام
مسلمینی ایفاظ ایله حقایق اسلامییه (کلمو الناس علی قدر عقولهم)
فحواسی موجبجه هرکسه عقلی بتدیکی قدر تفهیمه مأمور اولمشلردر.
درجه ثانیده اولانلر : فقرای درویشاندن - کندیلری
مرتبه ولایت واصل اولدقلرینی بیلدکاری حلاله (کنت کنزاً
مخفياً فاحبیت ...) الخ حدیث قدسیسنه امتثالاً انظار اغیاره شو
حالی رینی ستر ایله مجرد مجاهده نفس ایچون نفس اوقشایه جق
حالاتدن توفی ایده رک خلقک نفرت واستحقاقینی جالب احوالی
ظاهراً اختیار ایله برحیات سفیلانده اصرار اوقات ایدن کیسه لرردر.
فقط برده بونلرک (مقلدین) قسمی واردرکه، آنلر نفس اصلاح
ایچون دکل، انجی مسکینانه برحیات ایله اغنیایک حمایه سی آلتنده
جالب مرحمت اطوار اظهار ایدرک تبدیل الشکل لاجل الاکل

مراتیانه درویش کسوه سنه بورونوت تنک بیکه، سفره بسفره
کاه لیس اولمقله اصرار اوقات ایدرلر . مقصدلری - مجاهده نفس
ایتمک شویله طورسون - عطالتی اختیار ایله صرفه نفس بیله مک
اولوب هیچ بروقت فقرای صابریندن اولان اصل (اهل توفیق).
ایلله قابل قیاس اوله مالزلر، عرفای امت نظرینده بونلری تقریب
ایتمک بک قولایدر. اهل توفیق - تن پرور مقلدین کی - کوندوزلری
آکل کیچهلر نائم اولقی دکل، بالعکس کیچهلری خلونه چکیله رک
عبادات و طاعات، ذکرا لاله ایلله تابصباح مشغول اولوب کوندوزلری
خلقه بار اولمقدن چکیله رک - آج قالسه بیلله کیسه یه حافی
سزدر بر مکمزین - پزمرده بر لباس ایلله بکزی صارارمش اولدینی
حاله انظار اغیاره کوزوکه رک اوکونی بولدینی بر مقدار نفقه
ایلله کفاف نفس ایدن عاشقان خدادار .

اوچنجی مرتبهده اولانلر ایسه : شراب وحدتی نوش ایلله
فنائی الله ابروب جذبات عشق خدا ایلله سوزان اولورق سرمست
بر حلاله وجودلری قبشک صغوقندن، یازک صیجاغندن متأثر
اولمفسرین کندیلرینک مرتبه ولایت ایدرکاردن بی خبر اولوب،
بالکیز علویت قدرلریله مقدارلری، سالف الذکر (اولیائی تحت
قبائی ... الخ) حدیث قدسیسی مألجه عند الهمجه معلوم اولان
(مجنوبان الهی) در .

بونلر، خلق آرمسند - جذبات عشقک تأثیری نتیجه سی -
موجب تزییف واستحقار حالات مجنونانه اظهارندن خالی قالم -
دقاری کبی بعض عوام طرفندن رنجیده ایدلر بیلله کندیلری
تن قیدنن آزاده بر حلاله بحر وحدت عشقه دالمه لرندن، متأثر
اولمالزلر، فقط : عادی مجنونلرله قابل قیاس اولمیان بوکی مستان
خدایی تقریب ایتمک قولای اولمادیفندن بمضاً آنلر، حکمه
حالت جذبه دن حالت یقظه کلوب انسانلر آرمسند کزملری
حسیله، شو حلاله رنجیده ایتمک کلز، زیرا، آنلرک حقه قارشو
سوزلری اوقدر تأثیرلیدرکه، مأیوسانه برآهی، بولندینی بلده
ایلله جوارینه بر آفت عظمایک درحال ورودینه سبب اولور .
بالعکس آنلری، اوصرمده ممنون وتلطیف ایتمک غیرتله دعالرینی
آلقی، هرجهتجه مرجع اولوب بشریت ایچون مادی ومعنوی
موجب فوائد عظمایه سیبیت وبره جکی شهسزدر .

محمد حلمی

اخطار : اوچنجی جلدمن (۴۹) نومردن اعتباراً
بالسلسل الی نهایه بورونیه جکدر : چونکه، ایکی جلدمنک عدد
یکونی (۴۸) نومرویه بالغ اولمشدر .

صاحب امتیاز حسن کاظم
ومدیر مسئول

نجم استقبال مطبعه سی